



MØTEINNKALLING

Utval: Formannskapet
Møtedato 11.02.2021
Møtetid: Kl. 15:00
Møtestad: Biblioteket på Bjørkheim

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
001/2021	21/114	Faste saker	
002/2021	20/605	Mål og retningslinjer for barneverntenesta i Samnanger kommune	
003/2021	20/605	Retningslinjer for barnevernsutvalet i Samnanger kommune	
004/2021	19/831	Vurdering av løysing for strøyming og opptak av offentlege møte	
005/2021	18/951	Tilskot ekstraordinært kommunalt næringsfond	
006/2021	19/889	Plan for friluftlivets ferdselsårer	
007/2021	21/103	Opprusting og tilrettlegging av leikeplass i Bjørkhaugen	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 21/114	Løpenr: 21/1062
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	001/2021

Faste saker

Rådmannen sitt framlegg til vedtak:

- Møteinnkallinga og saklista vert godkjent.
- Orienteringssaker/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Orienteringssaker/referatsaker.
Utvalet sitt kvarter.



SAKSFRAMLEGG

Sakshandsamar: Knut Harald Frøland	Arkivkode: FA-F47
Arkivsaksnr: 20/605	Løpenr: 21/1020
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	002/2021
Kommunestyret		

Mål og retningslinjer for barneverntenesta i Samnanger kommune

Ordføreren sitt framlegg til vedtak:

Saka vert lagt fram utan tilråding frå ordførar.

Dokument som er vedlagt:

Mål og retningslinjer for barnevernstenesta i Samnanger kommune
Vurdering mht gjeldande lov

Kva saka gjeld:

Kommunestyret i Samnanger gjorde 16.09.2020 følgjande vedtak:

«På bakgrunn av kommunestyret sitt vedtak 18.06.2020 i sak 042/20 skal det etablerast nytt barnevern/familievern i Samnanger med verknad frå 01.06.2021. Til det førebuande arbeidet vert det sett ned eit arbeidsutval med følgjande medlemmer:

- Ordførar Knut Harald Frøland - leiar, Bygdalista
- Varaordførar Øyvind Røen - Sp
- Shirin Kvernes Khadoor - Ap
- Øyvind Strømmen - MDG
- Ingebjørg Vamråk - rådmann
- Venla Arponen Snilstveit, Kommunepsykolog - utpeikt av rådmann
- Bodil Øpstebo, rådgjevar oppvekst Samnanger kommune - utpeikt av rådmann
- Oddrun Lemme, Tillitsvald Fagforbundet
- Anders Opsahl - politikontakt Samnanger kommune
- Kari Kallevik Hjartnes- Sekretær- utpeikt av rådmann

Det vert løyvd inntil 160.000 kroner til arbeidsutvalet sitt arbeid, med finansiering frå disposisjonsfondet.

Framlegg til modell for nytt barnevern/ familievern skal politisk handsamast av formannskap og kommunestyre.

Framlegg skal leggjast fram i formannskapsmøtet 12.11.2020.

Arbeid med rekruttering av tilsette til nytt barnevern/ familievern skal sjåast i lys av framdrift i arbeidsutvalet sitt arbeid.

Arbeidsutvalet v/ leiar rapporterer til formannskapet.

Nytt barnevern/ familievern skal inngå i rådmannen sitt framlegg til budsjett for 2021. Dette må og omfatta eventuelle kostnader til kontorlokale.»

Vurdering og konsekvensar:

Arbeidsutvalet har til saman hatt 7 møter. I tillegg har det vore fleire møter i redaksjonsnemnd som har bestått av Shirin Kvernes Khadoor, Bodil Øpstebo, Geir Kjell Andersland og Øyvind Røen. Øyvind Strømme var og med i ein tidleg fase.

I tillegg til medlemmar av arbeidsutvalet har det i møta deltatt fagpersonar og representantar frå foreiningar. Desse er:

- Geir Kjell Andersland, advokat
- Tor Monsen, dagleg leiar Barnets beste
- NN, Barnet i sentrum
- NN, Barnet i sentrum
- Bjørn Thomassen, Barn-Samfunn-Trivsel
- Bettina Nordahl, Familiens hus, Osterøy kommune
- Judith van der Weele, van der Weele AS
- Magnar Gripsgård, Rett Hjelp AS
- Gro Hillestad Thune
- Thomas Johansen, Styreleiar, landsforeningen for barnevernsbarn
- Carolina Mercadal – ny barnevernsløiar i Samnanger kommune
- Tina Gerds-Andresen, Forsker og Høgskulelektor, Høgskulen i Østfold

Arbeidsutvalet har ikkje røysta over innhald i dei vedlagte dokument. Dette betyr at det kan førekomme innhald som ikkje alle i arbeidsutvalet, fagpersonar og representantar frå foreiningar kan støtte.

Tina Gerds-Andresen - Forsker og Høgskulelektor, Høgskulen i Østfold - ønskjer å vere med vidare med forskning på prosessen med å bygge opp nytt barnevern i Samnanger kommune.



SAKSFRAMLEGG

Sakshandsamar: Knut Harald Frøland	Arkivkode: FA-F47
Arkivsaksnr: 20/605	Løpenr: 21/1021
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	003/2021
Kommunestyret		

Retningslinjer for barnevernsutvalet i Samnanger kommune

Ordføreren sitt framlegg til vedtak:

Saka vert lagt fram utan tilråding frå ordførar.

Dokument som er vedlagt:

Retningslinjer for barnevernsutvalet i Samnanger kommune
Vurdering mht gjeldande lov

Kva saka gjeld:

Kommunestyret i Samnanger gjorde 16.09.2020 følgjande vedtak:

«På bakgrunn av kommunestyret sitt vedtak 18.06.2020 i sak 042/20 skal det etablerast nytt barnevern/familievern i Samnanger med verknad frå 01.06.2021. Til det førebuande arbeidet vert det sett ned eit arbeidsutval med følgjande medlemmer:

- Ordførar Knut Harald Frøland - leiar, Bygdalista
- Varaordførar Øyvind Røen - Sp
- Shirin Kvernes Khadoor - Ap
- Øyvind Strømmen - MDG
- Ingebjørg Vamråk - rådmann
- Venla Arponen Snilstveit, Kommunepsykolog, - utpeikt av rådmann
- Bodil Øpstebo, rådgjevar oppvekst Samnanger kommune - utpeikt av rådmann
- Oddrun Lemme, Tillitsvald Fagforbundet
- Anders Opsahl - politikontakt Samnanger kommune
- Kari Kallevik Hjartnes- Sekretær- utpeikt av rådmann

Det vert løyvd inntil 160.000 kroner til arbeidsutvalet sitt arbeid, med finansiering frå disposisjonsfondet.

Framlegg til modell for nytt barnevern/ familievern skal politisk handsamast av formannskap og kommunestyre.

Framlegg skal leggjast fram i formannskapsmøtet 12.11.2020.

Arbeid med rekruttering av tilsette til nytt barnevern/ familievern skal sjåast i lys av framdrift i arbeidsutvalet sitt arbeid.

Arbeidsutvalet v/ leiar rapporterer til formannskapet.

Nytt barnevern/ familievern skal inngå i rådmannen sitt framlegg til budsjett for 2021. Dette må og omfatta eventuelle kostnader til kontorlokale.»

Vurderingar og konsekvensar:

Arbeidsutvalet har til saman hatt 7 møter. I tillegg har det vore fleire møter i redaksjonsnemnd som har bestått av Shirin Kvernes Khadoor, Bodil Øpstebø, Geir Kjell Andersland og Øyvind Røen. Øyvind Strømmen var og med i ein tidleg fase.

I tillegg til medlemmar av arbeidsutvalet har det i møta deltatt fagpersonar og representantar frå foreiningar. Desse er:

- Geir Kjell Andersland, advokat
- Tor Monsen, dagleg leiar Barnets beste
- NN, Barnet i sentrum
- NN, Barnet i sentrum
- Bjørn Thomassen, Barn-Samfunn-Trivsel
- Bettina Nordahl, Familiens hus, Osterøy kommune
- Judith van der Weele, van der Weele AS
- Magnar Gripsgård, Rett Hjelp AS
- Gro Hillestad Thune
- Thomas Johansen, Styreleiar, landsforeningen for barnevernsbarn
- Carolina Mercadal – ny barnevernsléiar i Samnanger kommune
- Tina Gerds-Andresen, Forsker og Høgskulelektor, Høgskulen i Østfold

Arbeidsutvalet har ikkje røysta over innhald i dei vedlagte dokument. Dette betyr at det kan førekomme innhald som ikkje alle i arbeidsutvalet, fagpersonar og representantar frå foreiningar kan støtte.

Tina Gerds-Andresen - Forsker og Høgskulelektor, Høgskulen i Østfold - ønskjer å vere med vidare med forskning på prosessen med å bygge opp nytt barnevern i Samnanger kommune.



SAKSFRAMLEGG

Sakshandsamar: Jan Erik Boge	Arkivkode: FE-630
Arkivsaksnr: 19/831	Løpenr: 21/171
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	004/2021
Kommunestyret		

Vurdering av løysing for strøyming og opptak av offentlege møte

Rådmannen sitt framlegg til vedtak:

Saka vert lagt fram utan tilråding frå rådmannen.

Kva saka gjeld:

Kommunestyret handsama 03.12.2020 ein interpellasjon frå Senterpartiet om strøyming av offentlege møte. Det vart gjort følgjande vedtak:

- «Samnanger kommune ved administrasjonen får i oppdrag å finna ut om KommuneTv eller eit anna tilsvarande system kan vera ei betre løysning med tanke på strøyming av offentlege møte.
- Kostnadar må komma fram, og kommunestyret må ta endeleg vurdering på evt. bytte av leverandør.
- Saka skal til handsaming på første kommunestyremøte i 2021.»

Historikk og situasjonen pr. i dag

Kommunestyret sine møte har vorte strøyma direkte på internett sidan hausten 2015. I tillegg ligg opptak frå kommunestyremøta ute på internett i eitt år frå møtedatoen.

Formannskapet sine møte har vorte strøyma direkte på internett sidan våren 2018, og opptak frå desse møta ligg også ute på internett i eitt år frå møtedatoen.

Den tekniske løysinga som vert brukt i dag, er ei relativt enkel og billeg løysing der dataprogrammet Wirecast blir brukt til å strøyma møta på Youtube. Opptaka frå møta vert også lagt på Youtube. Løysinga er ikkje integrert med kommunen sitt sakshandsamingssystem (Websak).

I forkant av at ordninga med strøyming av kommunestyremøte vart starta opp i 2015, vart det vurdert om kommunen skulle ta i bruk ei enkel/billeg løysing (Youtube/tilsvarande) eller kjøpa inn eit system som er spesiallaga for strøyming og opptak av møte i politiske organ (produktet KommuneTV frå firmaet Aventia). Kommunestyret vedtok (sak 019/2015) å gå for ei enkel/billeg løysing med strøyming på Youtube. Denne løysinga har vorte brukt i heile perioden etter 2015, med nokre tilpassingar undervegs.

Det har i perioden etter 2015 vore ein del tekniske utfordringar med løysinga som kommunen har brukt:

- Nokre møte har ikkje vorte strøymde i det heile.
- Delar av nokre møte har ikkje vorte strøymde.
- Nokre møte har fått utsett møtestart på grunn av problem med å få strøyminga igang.
- Lydkvaliteten på mange møte har vore dårleg.
- Bildekvaliteten på ein del møte har vore dårleg (flimring, vanskeleg å lesa tekst på projektorbilde).
- Administrasjonen har måtte bruka mykje arbeidstid til testing etc før kvart møte.

Det vart gjort nokre endringar hausten 2020 for å betra den tekniske løysinga (ny møteromsmikrofon, utskifting av kamera, oppgradering av programvare). Desse endringane har forbetra spesielt lydkvaliteten, men framleis er løysinga likevel ikkje så stabil som ønskeleg. På dei siste møta har me gått over til å bruka eit vanleg webkamera, som har gitt grei bildekvalitet.

Talet på sjåarar på direktesendingane og opptaka varierer. Vanlegvis er det 15-30 sjåarar på direktesendingane. Nedanfor følgjer oversikt pr. 01.02.2021 over talet på visningar av opptaka frå kommunestyremøta og formannskapsmøta andre halvår 2020:

- Opptak frå kommunestyremøtet 13.08.2020, vist 570 gongar
- Opptak frå kommunestyremøtet 16.09.2020, vist 432 gongar
- Opptak frå kommunestyremøtet 28.10.2020, vist 441 gongar
- Opptak frå kommunestyremøtet 03.12.2020, vist 484 gongar
- Opptak frå kommunestyremøtet 18.12.2020, vist 162 gongar
- Opptak frå formannskapsmøtet 13.08.2020, vist 195 gongar
- Opptak frå formannskapsmøtet 15.10.2020, vist 169 gongar
- Opptak frå formannskapsmøtet 12.11.2020, vist 322 gongar

Aventia KommuneTV

Aventia KommuneTV er ei løysing for strøyming og opptak av møte som vert brukt av mange kommunar. Dette er ein «ferdig produktpakke» med kamera, mikrofonar, PC, programvare for strøyming og opptak, abonnement, lagringsplass for opptak, og integrasjon mot kommunen sitt sakshandsamingssystem. Integrasjonen mot kommunen sitt sakshandsamingssystem gjer at sjåarane på ein enkel måte får tilgang til saksdokumenta i den saka som er oppe til handsaming. Både bilde- og lydkvaliteten er god. I tillegg kan ein i KommuneTV ha fleire kamera i møtesalen, og sjåaren kan velja kva kamera ho/han vil sjå sending/opptak frå. Det er også ein eigen «projektormodul» som gjer at sjåaren kan sjå bildet som vert vist på projektoren i møtesalen. KommuneTV tilbyr også (som opsjon) ein modul med integrasjon mot Teams/Skype, slik at digitale møte kan strøymast på ein enkel måte. Ein annan opsjon er ein modul for digital avstemming.

Ifølgje ACOS (som er leverandøren av kommunen sitt sakshandsamingssystem Websak), er Aventia KommuneTV den einaste strøymingsløysinga som har integrasjon mot Websak. Slik integrasjon må etter administrasjonen si vurdering vera eit krav for at løysinga skal vera aktuell å ta i bruk hos oss.

Eksempel på møte som er strøyma med Aventia KommuneTV:

- Osterøy kommune - heradsstyremøte 09.12.2020
(<https://osteroy.kommunetv.no/archive/8>)

- Bjørnafjorden kommune - kommunestyremøte 15.12.2020
(<https://bjornafjorden.kommunetv.no/archive/117>)

I interpellasjonen som kommunestyret handsama 03.12.2020 vart det peika på at ei løysing med Aventura KommuneTV vil gje følgjande fordelar i forhold til kommunen si noverande løysing:

- Betre tilbod til innbyggjarane/sjåarane kan gje auka innbyggjarengasjement.
- Enkelt for sjåaren å finna handsaming av enkeltsaker, dersom ein ikkje ønskjer å sjå eit heilt møte.
- Opptak av digitale møte.
- Vesentleg betre kvalitet på lyd og bilete.

Økonomi

Løysinga som kommunen brukar i dag har ikkje store kostnader. Gjennomsnittleg årleg kostnad ligg på om lag 10 000 – 15 000 kroner. Dette er kostnader til nødvendig utskifting/oppgradering av utstyr og programvare. Det er ingen abonnementskostnader knytt til streaming eller lagring av opptak på Youtube.

Administrasjonen har via IKT Nordhordland henta inn pristilbod på Aventura KommuneTV. Kostnadene vil vera litt avhengig av kor mange kamera som skal kjøpast inn, samt kva opsjonar som vert valde. Oppsummert ser kostnadene ut til å verta om lag som følgjer:

Eingongskostnader (ekskl. mva)	Sum
Eingongskostnader utanom opsjonar	148 000
· Programvare/modular, PC, kamera/kameratilbehør (2 stk kamera), montering, integrasjon mot ACOS Websak	
Lydutstyr (anslått kostnad)	5 000
1 stk ekstra kamera	10 000
Opsjonar - integrasjon mot Facebook og Teams/Skype	13 000
Sum ekskl. utføresette kostnader	176 000
Utføresette kostnader (10 - 12 %) *	20 000
Sum	196 000

*) Utføresette kostnader kan for eksempel vera eventuelt nødvendig elektriskarbeid, eventuell nødvendig utskifting av eksisterande utstyr (projektor etc). Erfaringsmessig vert det ein del utføresette kostnader i slike prosjekt.

Årlege kostnader (ekskl. mva)	Sum
Lagring, datatrafikk og support/vedlikehald (anslått kostnad) **	35 000
Integrasjon mot ACOS Websak	6 000
Sum ekskl. utføresette kostnader	41 000
Utføresette kostnader (vedlikehald, utskifting av utstyr etc)	10 000
Sum	51 000

**) Årlege kostnader for lagring og datatrafikk vil mellom anna avhenga av kor mange møte som vert strøyma pr. år og kor lenge opptaka skal lagrast. Det er i tabellen teke utgangspunkt i at alle møte i kommunestyret og formannskapet skal strøymast, og at opptak frå møta skal lagrast i eitt år.

Aventura har også gitt pristilbod på ei digital avstemmingsløysing (som ein opsjon). Denne opsjonen er ikkje med i tabellane ovanfor. Kostnaden vil vera om lag 58 000 kroner i eingongs-/oppstartkostnad og om lag 42 000 kroner i årleg kostnad.

Det ligg ikkje inne midlar til KommuneTV i budsjettet for 2021 eller i økonomiplanperioden fram til 2023.

Andre kommunar sine erfaringar

Administrasjonen sitt inntrykk er at kommunar som brukar KommuneTV i hovudsak er fornøgde med dette produktet, sjølv om det også kan oppstå tekniske problem med KommuneTV. For eksempel har det skjedd i Kvam herad at møte ikkje har vorte strøyma, på grunn av tekniske problem. Det vil også krevja litt opplæring av møtesekretæren for å kunne betjena/beherska KommuneTV på ein god måte. Erfaringa til Vaksdal kommune er at det er nødvendig å testa KommuneTV før kvart møte som skal strøymast, tilsvarende som for Youtube-løysinga me brukar i Samnanger i dag.

Kva løysing for strøyming/opptak brukar nabokommunane til Samnanger?

Alle nabokommunane til Samnanger som strøymar politiske møte på internett, ser ut til å bruka løysinga KommuneTV. Dette gjeld mellom anna Austevoll, Bergen, Bjørnafjorden, Osterøy, Vaksdal, Kvam, Voss, Kvinnherad og Stord.

Innkjøpsreglar

Ved anskaffingar med verdi mellom 100 000 kroner og 1,3 millionar krone gjeld reglane i Del I i Forskrift om offentlege anskaffelser. Dette inneber mellom anna at kommunen må dokumentera vesentlege forhold/avgjerder som er gjort i anskaffingsprosessen, for eksempel kva som er gjort for å sikra konkurranse. Som hovudregel bør det for slike anskaffingar hentast inn pristilbod frå tre leverandørar (dersom det finst så mange aktuelle leverandørar). Det er ikkje krav om kunngjering av konkurranse i Doffin når verdien er under 1,3 millionar kroner. Dersom det berre finst ein aktuell leverandør, må dette gå frå av kommunen sin dokumentasjon.

Vurderingar og konsekvensar:

Administrasjonen har ikkje vurdert andre alternativ til dagens løysing enn Aventura KommuneTV. Årsaka til dette er at KommuneTV er den einaste løysinga som har integrasjon mot kommunen sitt sakshandsamingssystem. Det finst også andre alternativ som kan brukast til strøyming/opptak av møte i staden for kommunen sin noverande Youtube-løysing, men administrasjonen si vurdering er at dersom me skal skifta løysing, så må me velja ei løysing som har integrasjon mot kommunen sitt sakshandsamingssystem.

For administrasjonen sin del vil det truleg vera ein fordel dersom me skiftar frå dagens løysing til KommuneTV. Driftstryggleiken på ei løysing med KommuneTV vil truleg vera litt større enn med dagens løysing, sjølv om erfaringa frå andre kommunar viser at det kan vera driftsproblem/tekniske utfordringar også med KommuneTV. Arbeidsmengdemessig vil det truleg ikkje verta noko stor endring i forhold til i dag for administrasjonen, men etter ein innkjøringsperiode kan det verta mindre behov enn i dag til testing av streamingløysinga før kvart møte.

Ei løysing med KommuneTV vil vera mindre fleksibel enn dagens løysing. KommuneTV er primært basert på fastmonterte kamera i møterommet, medan me i dagens løysing kan flytta kameraet rundt i møterommet. Ei løysing med fastmonterte kamera vil likevel truleg ikkje vera noko stort problem dersom alle møta i kommunestyret og formannskapet (og eventuelt naturutvalet) vert haldne det same møterommet.

I Aventura sitt tilbod er to stk kamera inkludert. Desse kan for eksempel filma høvesvis talarstolen og ordførarbordet. Ein del kommunar har i tillegg eit tredje kamera som filmar møtesalen/møtedeltakarane. Kostnad for kjøp og installasjon av eit ekstra (tredje) kamera vil vera om lag 10 000 kroner, litt avhengig av kva kameratype som vert valt.

I og med at KommuneTV er basert på fastmonterte kamera, bør eventuell overgang til KommuneTV venta til møta i kommunestyret og formannskapet vert flytta tilbake til kommunestyresalen på kommunehuset. Dette vil truleg skje når heisen på kommunehuset er på plass, jf. vedtak i kommunestyret om heis på kommunehuset. Det vil vera lite føremålstenleg å montera kamera/utstyr

for KommuneTV i møterommet på biblioteket på Bjørkheim, dersom møta i kommunestyret og formannskapet skal flytta tilbake til kommunehuset i løpet av 2021.

Ei løysing med KommuneTV vil gje eit forbetra tilbod til innbyggjarane enn i dag, primært ved at dei enkelt får tilgang til sakspapira i den saka som til ei kvar tid er oppe til handsaming i møtet. Bilde- og lyd kvaliteten vil truleg også verta betre enn i dag.

Om talet på sjåarar vil auka dersom Samnanger tek i bruk KommuneTV, er vanskeleg å vita.

Dersom KommuneTV vert valt, tilrår administrasjonen at kommunen også kjøper og tek i bruk opsjonane for integrasjon mot Facebook og Teams/Skype. Dette vil gjera det enklare enn i dag å strøyma møte som vert haldne på Teams.

Administrasjonen tilrår ikkje at Samnanger kjøper eller tek i bruk Aventia sin digitale avstemmingsmodul. Me har fått informasjon frå leverandøren av kommunen sin Møteportal (ACOS) om at dei for tida testar ein ny versjon av Møteportalen, med digital voteringsfunksjonalitet. Denne versjonen er no i pilot hos nokre få kundar, og vil etter kvart også verta tilbode til andre kundar.

Oppsummering

Det vil vera ein betydeleg kostnad for kommunen dersom me skal kjøpa inn og ta i bruk KommuneTV, truleg nærmare 200 000 kroner i eingongskostnad og om lag 50 000 i årleg kostnad. Det er ikkje lagt inn budsjettmidlar til dette i budsjettet/økonomiplanen. Det meste av desse midlane må derfor løyvast ekstra. Eingongskostnaden vil måtte først i investeringsrekneskapen, og finansierast enten med midlar frå disposisjonsfondet eller andre tilgjengelege midlar. Det kan stillast spørsmål ved om behovet for ei løysing som KommuneTV er så stort at det forsvarar å bruka så mykje midlar. Kommunen har behov for midlar på mange område, og må prioritera korleis midlane vert brukt.

KommuneTV vil gje eit forbetra tilbod til publikum/innbyggjarar i forhold til løysinga me brukar i dag, primært fordi det vil vera enkelt å lasta ned sakspapira i den saka som er oppe til handsaming. Det er vanskeleg å vita kor stort behovet for ei slik løysing er i Samnanger, og kor mange innbyggjarar som vil nytta seg av tilbodet. I og med at mange andre kommunar brukar KommuneTV, kan det kanskje vera forventningar blant ein del av innbyggjarane om at også Samnanger skal ha denne løysinga.

For møtesekretær/tilsvarande vil endringane truleg verta relativt små i forhold til i dag med omsyn til arbeidsmeng under og etter møta, men me kan i alle fall håpa på at KommuneTV vil vera noko meir stabilt enn dagens løysing.

Alternativet til å ta i bruk KommuneTV kan vera å halda fram med dagens løysing, men bruka nokre konsulenttimar på å gå gjennom den tekniske løysinga for å gjera den meir stabil. Det kan då verta nødvendig å bruka 10 000 - 20 000 kroner på for eksempel programvare og eventuelt ein ny PC.

Rådmannen har valt å ikkje gje tilråding i saka. For administrasjonen vil det ha liten betyding om me går over til å bruka KommuneTV eller held fram med dagens løysing.

Nedanfor følgjer to eksempel på moglege vedtak i saka, som kommunestyret eventuelt kan bruka:

Alternativ 1:

Samnanger kommune kjøper inn og tek i bruk løysinga Aventia KommuneTV til strøyming og opptak av møte i kommunestyret, formannskapet og eventuelt naturutvalet. Dette vert gjort for å betra tilbodet til innbyggjarane i kommunen.

Løysinga skal innstallerast i kommunestyresalen på kommunehuset i 2021, og takast i bruk når møta i kommunestyret og formannskapet vert flytta tilbake dit. Det vert løyvd inntil 200 000 kroner ekskl. mva til innkjøp og installasjon av løysinga i 2021, samt inntil 30 000 kroner ekskl. mva til løpande kostnader i 2021. Desse kostnadene vert finansiert av disposisjonsfondet. Utgifter til løpande

kostnader frå og med 2022 må innarbeidast i rådmannen sitt budsjettforslag.

Alternativ 2:

Samnanger kommune held fram med noverande løysing for strøyming og opptak av møte i kommunestyret, formannskapet og eventuelt naturutvalet. Administrasjonen må arbeida for å auka stabiliteten i løysinga, for å redusera risikoen for at møte ikkje vert strøymde.

**SAKSFRAMLEGG**

Sakshandsamar: Hilde-Lill Våge	Arkivkode: FE-223
Arkivsaksnr: 18/951	Løpenr: 21/933
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	005/2021

Tilskot ekstraordinært kommunalt næringsfond**2.tildeling****Rådmannen sitt framlegg til vedtak:**

Apex får tilskot på NOK 85.000 frå ekstraordinært næringsfond fordelt over 2 år.

Ecotech Innovation AS vert bedt om å søkje på nytt til Samnanger kommune om tilskot til sirkulær industri i Børdalen når det ligg føre meir konkrete planar for at hovudprosjektet med Datasenter i Børdalen vert realisert.

H- Mekk as v/ Sindre Hjellanes og Ivar Berland as får avlag på søknad om tilskot frå ekstraordinært næringsfond om å sette opp næringsbygg for utleige. Tiltaket er i ikkje i tråd med forskrift for ekstraordinært tilskot.

Bjørkheim Kro og Motell AS får NOK 100.000 frå ekstraordinært næringsfond i tilskot til kontaktfri servering.

Samnanger frivilligsentral får NOK 400.000 i tilskot til oppretting av bygdebutikken på Tysse. Tilskotet vert finansiert med NOK 223.768 frå ekstraordinært næringsfond og NOK 176.232 frå kommunen sitt ordinære næringsfond.

Søkjarar som får tildelt tilskot skal vera registrert med eige organisasjonsnummer før tilskot vert ubetalt. Tilskotet står ved lag i inntil to år etter tilsegn er gjeve og/eller er i tråd med rapportering.

Dokument som er vedlagt:

knf2014-2020-0021 -Apex ny arbeidsstasjon

knf2014-2020-0022 (1) - forprosjekt Sirkulær økonomi

sirkulær økonomi Børdalen Søknad om koronamidler november 2020 (3)

knf2014-2020-0020 - smittefri servering

Bjørkheim Kro og Motell AS Budsjett for ny disk - bilde og budsjett

knf2014-2021-0001-Næringsbygg

RF1350 Bygdebutikk Tysse

Kva saka gjeld: Tildeling av tilskot frå ekstraordinært kommunalt næringsfond – Covid 19 midlar. Dette er 2. tildeling av midlane.

Bakgrunn for saka: Samnanger kommune fekk NOK 964.468 som kommunen kan tildele til bedriftsutvikling og investeringar. Ved 1. tildeling vart det løyvd NOK 555.700, og det står no att NOK **408.768** til 2. tildeling.

Fakta:

Tildeling og utbetaling er heimla i eiga forskrift (vedlagt).

For tilskot til bedriftsutvikling kan samla støtte frå næringsfondet som hovudregel ikkje overstige 50% av kapitalbehovet. I prosjekt som svarar til særleg mange tiltak, kan det gjevast inntil 75% støtte. Dette inkluderer bruk av tilsvarende fond i andre kommunar for regionale prosjekt. Det er ikkje beløpsgrense for bedriftsutviklingstilskot.

I vurderinga av søknadane vert det særskilt lagt vekt på:

- I kor stor grad tiltaket fremjar auka aktivitet, sysselsetjing og verdiskaping basert på lokale utfordringar, behov og potensial
- I kor stor grad ein reknar med at tiltaket vil kunne motverke dei negative verknadane av covid-19- utbrotet.
- Kor raskt tiltaket kan setjast i gang.

Tilskotet skal hovudsakleg utbetalast etterskotsvis ved dokumentasjon av utgifter. Det kan verte gitt 15% av tilskotsummen på forskot, dersom det er nødvendig for oppstart av tiltaket.

Innkome søknader:

Det er kome inn 5 søknader gjennom regionalforvaltning.no. Det er totalt søkt om NOK 1.268.000 i tilskot. Søknad om tilskot til næringsbygg og butikk på Tysse var kome inn etter søknadsfristen 15 januar. Desse er likevel teken med i vurderinga nedanfor.

Vurderingar og konsekvensar:

Søknad Apex auto - autorisert bilverkstad –Verksemda vart etablert i 2017 med 1 fast tilsett og no å ha 4 heiltids arbeidsplassar+ 2 deltidstilsette. Dei har og under utvikling ein mc/marin avdeling. Dei ønskjer no å utvide verksemda med endå ein arbeidsstasjon og auke opp endå med ein heiltidstilsett.

Arbeidsstasjonen har ein kostnad på totalt NOK 194.000. Apex søker om NOK 85.000 i tilskot samband med å etablere denne. Dette utgjer 43,8% av finansieringa.

Vi viser til vedlagt søknad for detaljer. Søknaden er i tråd med forskrifta som gjeld bedriftsutvikling.

Vurdering: Apex har i dag god økonomi og er ei verksemd med eit godt kundegrunnlag både i og utanfor Samnanger. Dei ønskjer og satse på lærlingar og er godkjent som lærlingbedrift. Ei vidareutvikling av verksemda med endå ein ny arbeidsstasjon vil rakst kunne gje effekt og auke sysselsettinga i verksemda. Det er både positivt og viktig å ha ein verkstad som tek reperasjonar av både bilar, MC, marine konstruksjonar/motorar.

Administrasjonen tilrår Apex tilskot på NOK 85.000 fordelt over 2 år.

Søknad Sirkulær industri i Børdalen - Søknaden om tilskot gjeld forprosjektmidlar for korleis utnytte overskotsvarmen i samband med Regn Datasenter.

Gozo AS er et selskap som utviklar ulike konserter, teknologiar og løysningar innan sirkulær økonomi. Saman med Novitech AS og Alvern Holding AS etablerer Gozo AS nå **Ecotech Innovation AS**, med

adresse i Samnanger. Ecotech Innovation arbeider med å prosjektere og utvikle planer for et sirkulært industriområde i Børdalen.

I forprosjektet skal det verte gjort grunnleggande og nødvendige undersøkingar og førebuingar, for ei god og sunn utvikling for prosjektet. Dette vil vera dialog med grunneigarar, utarbeiding av plan for arealet, dialog med REGN Datacenters om spillvarme, dialog med leverandørar av utstyr samt dialog med marknaden for å jobbe mot å sikre avtalar på produkta som skal verte produsert.

Viser til vedlagt søknad inkl. vedlegg for detaljer. Forprosjektet er på totalt NOK 250.000 der det vert søkt om 50% i tilskot.

Vurdering: Sirkulær økonomi er eit spennande tema som kan gje framtidsretta og berekraftige næringar. Ecotech sitt ønskje om bruk av overskotsvarme frå datasenteret i Børdalen kan føre til at begge prosjekta i større grad kan verte realisert. Når vi gjev tilskot til forprosjekt tek vi og på oss ein risiko for at tiltaket ikkje kan verte gjennomført. Forprosjektet her har fleire spennande element som bør sjekkast ut og vi er positiv til prosjektet. Saman med Regn datasenter kan det gje fleire arbeidsplassar og moglegheit til å etablera ein sirkulær industripark. Det er likevel usikkerheit knytt til når datasenteret vert realisert og tidsperspektivet for når Ecotech kan ta i bruk overskotsvarmen til sitt prosjekt. Vi tilrår difor å utsette handsaminga av tilskot til Ecotech, til etablering av datasenter er meir konkret eller tidfesta, og det er større sikkerheit for at hovudprosjektet vert realisert. Ecotech kan då søkje tilskot på nytt frå kommunen sitt ordinært næringsfond.

Søknad om kontaktfri servering - Bjørkheim Kro og Motell AS søker om tilskot til å innføre kontaktfri servering. Covid-19 gir serveringsbransjen utfordringar mhp. distansering. Vi har innført moglege avstandstiltak. For å kunne oppretthalde krav om distansering, og samtidig ha en levedyktig drift, må vi bygge om bestillings- og serveringsdiskar. Tiltaket er finansiert til NOK 600.000 der det er søkt om NOK 250.000 i tilskot. Tiltaket er gjennomført.

Vurdering: Investeringa er begrunna som nødvendig for å gjennomføra framtidig smittefri servering. Tiltaket kan avgrense negativ verknad av Covid-smitte og vera med å oppretthalde sysselsettinga i verksemda. Tiltaket er allereie gjennomført, noko som gjer at verksemda i stor grad kan ha tilnærma normal aktivitet under pandemien. Investeringa fører til ei vesentleg verdiauke for verksemda (bygget), som bør trekkast i frå grunnlaget for søknad om tilskot. Det er dermed ikkje grunnlag få å gje full stønad.

Vi tilrår å gje eit redusert tilskot på NOK 100.000, - .

Søknad om oppsetting av næringsbygg for utleige - H- Mekk as v/ Sindre Hjellanes og Ivar Berland as v/ Ivar Berland søker om tilskot til å sette opp næringsbygg for vidare utleige i Rolvsvåg.

Bygget vil ha ei grunnflate på 18 x 55 meter (990m²) og er planlagt for å kunna delast i inntil 5 seksjonar a 198 m². Bakgrunnen for ideen med bygget er å kunna leiga ut næringslokale til verksemda som er etablert i Samnanger eller som ynskjer å etablera næring i kommunen. Dei meiner det ikkje ledige næringslokale i Samnanger som eignar seg til lager, handverk eller industri. Kostanden bygget er på 6.5 mill. NOK der dei søker om eit tilskot på NOK 400.000.

Vurdering: Tiltaket er ikkje i hht forskifta for ekstraordinært næringstilskot mhp auka sysselsetting eller kan gje effekt med å komme rask i gang. Den vert difor avslått. Det vert opptil formannskapet å vurdere om dei kan søkje kommunen sitt ordinære næringsfond til neste april møte i formannskapet.

Søknad om oppretting av bygdebutikken på Tysse – Samnanger frivilligsentral søker om tilskot til oppstart av ny matbutikk Tysse. Konseptet er ein sjølvbetent butikk der folk kan handle når dei ønskjer. Dei vil og bruke frivillige i tillegg til ein dagleg leiar. Overskotet skal gå til å utvikle Tysse. Sjølve butikken er på 60 m² og skal vera sjølvbetent, og verte utvikla som ein kafé/møteplass på Tysse. Totalkostnad for prosjektet er sett til NOK 1.614.692 der dei søker om NOK 400.000 i tilskot til

oppgradering og sølvbetent system mm frå ekstraordinært næringsfond. Vi viser til vedlagt søknad.

Vurdering: Tiltaket kan kome raskt i gang og gjev sysselsetting på ca. eit årsverk i tillegg til frivillig arbeidskraft. Det kan gje god lokalsamfunnsutvikling både på kort og lang sikt. Vi tilrår NOK 400.000 i tilskot til prosjektet. Det står att NOK 223.768 på ekstraordinært næringsfond. Resten på NOK 176.232 vert dekkja frå kommunen sitt eige ordinære næringsfond.



SAKSFRAMLEGG

Sakshandsamar: Kristoffer Kleiveland	Arkivkode: FA-K11
Arkivsaksnr: 19/889	Løpenr: 21/544
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	006/2021

Plan for friluftlivets ferdselsårer

Rådmannen sitt framlegg til vedtak:

Oppstart av planarbeidet vert teke til etteretning.

Dokument som er vedlagt:

Miljødirektoratet sin vegleiar for Plan for friluftlivets ferdselsårer (M-1292)

Kva saka gjeld:

I 2019 fekk kommunen tilsagn på søknad om utarbeiding og iverksetting av «Plan for friluftlivets ferdselsårer». Tilskottet frå fylkeskommunen er på kr 185 000. Arbeidet med dette skulle vore sett i gong i løpet av 2020, men vart grunna korona utsett til 2021.

Vurderingar og konsekvensar:

Stortingsmelding 18 (2015-16) *Friluftsliv- Natur som kjelde til helse og livskvalitet* legg stor vekt på å ivareta og utvikla moglegheitene for å utøva friluftsliv i nærmiljøet, slik at alle har moglegheit til å vera fysisk aktive og oppleva natur i kvardagen. Samnanger Kommune har allereie fleire populære turstiar som er godt brukt og skilta. Gjennom dette prosjektet vil ei prosjektgruppe bestående av representantar frå frivilljuge lag og organisasjonar saman med kulturkonsulent og leiar for kultur, kartlegga no status for eksisterande stiar og planlegge vidare utvikling av desse. Utover dette vil me også benytta oss av kompetansen til Bergen og Omland Friluftsråd for å gjera eit digitaliseringsarbeid av turkarta og legge dette inn i Nasjonal database for tur- og friluftsruter for å gjera karta lett tilgjengeleg for både kommunen sine innbyggjarar og andre tilreisande turgåarar (t.d norgeskart.no, ut.no osv).

Gjennom dette arbeidet vil me utarbeide ein temaplan for for Friluftlivets Ferdselsårer i Samnanger Kommune. Denne planen vil bestå av tre hovuddelar: Ein beskriving av planen, tiltaksdel samt eit

temakart som viser eksisterande og foreslåtte ferdselsårer, turruter og målpunkt. Denne planen vil bli rettleiande for framtidig utvikling og bruk av turstiar og ferdselsårer i kommunen, og vil vera eit naturleg tilskott til «Kommunedelplan for idrett, fysisk aktivitet og friluftsliv 2014-2024».

Ein studie utført av NINA (Norsk instiutt for naturforskning) viser at skilting og merking av turstiar er gode tiltak som føre til auka bruk.

Konsekvensar:

- Temaplan for Friluftlivets Ferdselsårer skal forankrast i kommunen sitt planverk som ein del av «Kommunedelplan for idrett, fysisk aktivitet og friluftsliv»
- Gjera Samnanger Kommune til eit meir synleg mål for fotturistar
- Gjera turstiane og friluftsområda lettare tilgjengeleg for uerfarne brukarar
- Bidra til auka fysisk aktivitet og betre psykisk helse
- Gjera Samnanger til ein attraktiv plass og busettja seg samt reise til
- Eit betre aktivitetstilbod med variert tilrettelegging for alle heile året
- Tilrettelegge for rørslehemma og universell utforming av nokre ruter
- Skapa nettverk med frivilljuge lag og organisasjonar som skal bidra i prosjektet
- Auka tilgong og kunnskap om kulturminne i kommunen

Budsjett :

Utgifter:

Kjøp av skilt: kr 200 000

Materiell: kr 30 000

Partnarskapsavtalar med lag og organsiasjonar for turstiar: kr 60 000

Bergen og Omland Friluftsråd: kr 30 000

Konsulent: kr 50 000

Total: kr 370 000

Inntekter:

Stønad frå Fylkeskommunen: kr 185 000

Bruk av fondskonto friluftprosjekt som ikkje vart nytta i 2020: kr 31 000

Bruk av fondskonto internasjonal skilting som ikkje vart nytta i 2020: kr 6000

Driftbudsjettet til Miljø og friluftstiltak: kr 98 000

Administrasjon (bruk av administrative ressursar): kr 50 000

Total: kr 370 000



SAKSFRAMLEGG

Sakshandsamar: Hilde-Lill Våge	Arkivkode: FA-D35
Arkivsaksnr: 21/103	Løpenr: 21/961
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	11.02.2021	007/2021
Kommunestyret		

Opprusting og tilrettelegging av leikeplass i Bjørkhaugen **Finansiering**

Rådmannen sitt framlegg til vedtak:

Samnanger kommune ruster opp leikeplassen i Bjørkhaugen i tråd med prisoverslaget. Det vert inngått avtale med velforeininga om framtidig drift og vedlikehald, samt investering i leikeapparat og drift av desse.

Budsjettet til teknisk drift vert styrka med for inntil 95.000 ekskl. mva. Tiltaket vert finansiert frå disposisjonsfondet.

Kva saka gjeld: Det er ønskje om å ruste opp og legge til rette leikeplassen i Bjørkhaugen. Tiltaket må finansierast.

Vurderingar og konsekvensar:

Det har vore fleire henvendinger frå publikum ang uteområdet/ tidlegare leikeplass Bjørkhaugen. Området er eigd av kommunen, og teknisk drift har henta inn eit prisoverslag på utbetring av området. Dersom noko skal gjerast må kommunestyret løyva ekstra midlar til utbetringa.

Forslaget frå teknisk drift er at kommunen utbetrar arealet og lar let velforeininga i Bjørkhaugen (skal stiftast) disponera plassen og ta ansvar for innkjøp og vedlikehald av ev leikeapparat. Det må inngåast avtale om dette. Vi ser og at fleire andre leikeplassar og kan trenge opprusting og forslår at det vert vurdert å opprette td tilskotsordning underkulturmidlar til dette i neste økonomiplan.

Fylgjande ligg i pris:

Planering / fjerning av jord frå plassen ca 700 m2 med duk (delvis) og nytt toppdekke i grus. Overvatn må handterast med grøft rundt delar av plassen og overvasskum som leiar vatnet vidare under vegen. Det ligg både kommunal og privat VA i området som er teke omsyn til.

Kostnad for dette arbeidet vil vera 95 000 eks mva. Tiltaket finansierast frå disposisjonsfondet.